

D. O. M.
V. Q. M. & D. L. O. M. P. O. Q. C. Q. F. F. F. Q. S.
QUÆSTIONES MEDICÆ.

QUÆSTIO THEORICA

Quomodo fiat partium nutritio.

COMMUNISSIMA animæ vegetantis functio est nutritio. Nam non solum ipsâ vitiatâ cœtera vitantur functiones, & in ipsâ generatione & accretione requiritur, licet ab utrâque reverâ distinguatur, sed etiam omnibus animatis quamdiu vivunt necessaria est conservatio gratiâ. Cum enim substantia corporis animati in continuo defluxu sit, nisi quod defluxu illo deperditum est reparetur, diu subsistere non potest: verum omnes partes corporis humani compositionem ingredientibus, flexiles sunt ut libere agere, variosque motus exercere possint; quæ flexibilitas debetur liquido prædictas partes irroranti, & à continuo motu cordis in varia partium vasa propulso; quod absque maximo motu fieri nequit. Dum enim vasa liquido quopiam replentur, aliquatenus distenduntur & agitantur, quibus violentis & continuis motibus attrita, humorumque præterfluentium affricu quædam vasorum corpuscula abrafa, jam evacuatione sensibili tum insensibili transpiratione, quæ sola si Sanctorio credamus, ipsiusque experimentis fidem adhibeamus, omnes sensibiles evacuationes quantitate excedit: quæ jacturæ nisi citò reparentur, brevi perituro animal cuilibet attendenti evidenter satis patet. Quare necessaria ante omnia erit nutritio, quæ id quod deperditum est restituit, & individuum quantum natura patitur, ab interitu conservat. Est autem nutritio, partium animati corporis dispendii restauratio: quæ diversa erit pro majori vel minori succi nutritii copiâ. Sicut enim ii qui succo nutritio abundant, accrescunt & obæsi deprehenduntur, sic & pariter ii in quibus paucus est extenuantur, & atrophiam marasmoque consumuntur. Modò tamen refarciendis solummodò scrobiculis sufficit, hæcque nutritionis simpliciter nomen retinet. Ut autem hæc functio facilius & clarius innotescat, perpendendum quamnam materia jacturas omnes à causis jam jam recensitis illatas reparare possit, qualis esse debeat, & quomodò illa materia nutriendis partibus dicata accrescat; ut verò damna refarcire possit, tenuis admodum esse debet, ut in partium fatiscientium loculamenta facile possit insinuari, variisque aliis dotibus pollere debet ut inferius videbitur.

II.

CUM ex dictis humor nutriendis partibus dicatus tenuis esse debeat, facile concipitur chylum ad hoc non esse dicatum; constat enim partibus crassioribus, ut scrobiculis pervadere possit: eadem quoque ratione sanguis nutriendis partibus parum vel nullatenus inservire evidens est. Viscosus præterea esse debet & ope caloris diffuso superfluo phlegmate densari, partiumque nutriendarum firmitatem adipisci: constat autem chylum calore nullomodò concrefcere, ergo & illâ ratione chylus partes nutriti nequit. Partibus quoque concolor, insalsusque esse debet, ne partes nutriendas irriter, tendat, & dilaceret. Insuper cum in omnibus nostri corporis partibus fiant continuo deperditiones, in illis ergo omnibus ut individuum conservetur debent fieri reparaciones; succus ergo nutritius in omnibus & singulis corporis universi partibus debet reperiri, ibique lentè moveri, ut facilius in partium rimas introduci possit. Illæ autem omnes qualitates quæ in succo nutritio desiderantur, evidenter satis demonstrant lympham solam nutriendis partibus, reparandisque dispendiis aptam esse; omnibus enim dotibus enumeratis pollet: tenuis namque propemodumque insalsa deprehenditur, ignisque calore in albicantem offam induratur. Præterea partibus concolor universalisque est & lentè movetur: Ergo cum in solâ lymphâ jam laudatæ qualitates reperiantur, rejectâ numerosâ plurium succorum nutritiorum catervâ, lympham solam nutritioni inservire concludendum. Cum autem lymphâ segniter admodum per vasa provolvatur, in rimas fatiscientium staminum facile introducitur, ipsique applicatur, & calore qui singulis partibus inest, concrefcit & induratur. Diversimodè tamen in variis subjectis sic nutritio: Illi enim quorum fibræ laxiores, pingues, quorum verò fibræ validiores sunt, minus pingues vulgò evadunt. Eodem autem modo quo corpus nutritur quando reparatio deperditioni respondet, & scrobiculi à causis jam supra allatis facti simpliciter refarciuntur; ita & pariter corpus accrescit quando abundat succus nutritius, & restauratio deperditionem excedit. Dum enim lymphâ in partium rimas magnâ quantitate introducitur, scrobiculis replet, ipsos dilatat & ampliat, ibique concrefcit, & in meram partium substantiam commutatur. His autem sic de partium nutritione & accretione breviter prælibatis, ipsarum decrefcientiam vel extenuationem in sequentibus explicare juvat.

III.

QUAMADMODUM accretio propria est pueris & adolescentibus, quod succo nutritio abundat, ipsorumque partes molles & obsequiosæ sint, adultisque simplex nutritio; quod scilicet partium stamina in hac ætate indurentur: Sic & pariter extenuatio & decrefcientia senibus propria est; tunc enim depressis & concidentibus poris exinanitis, extenuatur & marcescit corpus, fibræ indurantur & rigescunt, vasa minima lymphæ devehendæ dicata collabuntur pariterque rigescunt, & lympham ibi delatam propter rigescientiam ulterius propellere nequeunt; ibi ergo moram trahere debet, & per moram in illis vasis concrefcit, inspissatur, ac tandem vasorum majorum & vicinorum motu, partibusaqueis lymphæ diffatis induratur, & vasa in quibus sic colligitur & cumulat penitus obstruit, quæ lymphæ amplius suscipiendæ & devehendæ inhabilia prorsus evadunt; sic que sensim labefactis functionibus omnibus mors necessariò subsequi debet. Verum ubi parum vel nihil succi nutritii partibus apponitur & agglutinatur, atrophiam oritur; nutritio enim quæ prorsus non fit, aut infra justum modum, atrophiam, quæ verò depravatæ & vitiosæ, cacotrophiam appellari solet. Aliquando autem à vitiosis lymphæ qualitatibus potius quam senili ætate dependet partium extenuatio, corporisque marcor: Ut si pauca, crassior, viscidiorque sit, & reparandis partium jacturis non sufficiat, in strictosve nutriendarum partium poros facile penetrare nequeat. Si pariter aquosior, tenuiorve sit: Tunc enim partibus pariter spirituum fluxu fit partium extenuatio, ut observare est in paralyti, tunc enim partium pori concidunt & collabuntur: præ flacciditate autem ad lympham intus suscipiendam nullatenus hiant, ergo nulla tunc vel minima reparatio, & succi nutritii appositio fieri potest. Fit pariter extenuatio quando ab uberiori spirituum influxu pori constringuntur, ut in doloribus Rheumaticis, quibus si diutius perseverent, membra extenuari compertum est. Ex dictis patet tres admitti posse nutritionis periodos, accretionem nempe quæ corpus in omnem dimensionem crefcit, nutritionem simplicem quæ in eodem statu corpus conservatur, decrefcientiam demum & extenuationem quæ corpus marcescit & corrugatur, nihilo-minus tamen conservatur. Ergo juxta explicationem de his omnibus allatam concludimus,

Ergo nutritio fit per appositionem succi nutritii.

ORTHODOXA.

*Qui respirat vivit.
Retina est visus organum.
Corpus humanum constat fluidis & solidis.*

AMPHIDOXIA.

*An generatio ab ovis.
An à particulis ignitis muscutorum contractio.
An monstra à lesa matris imaginatione fiant.*

PARADOXA.

*Nullus homo moritur.
Opium somnum tollit.
Stomachus non digerit alimenta.*

Has Theses (Deo Optim. Maxim. & Virgine Dei-Parâ faventibus) pro adoptione in Facultatem Medicam Pictaviensem propugnabit LUDOVICUS-PAULUS MORLON, Pictaviensis, Doctor Medicus Monspelienfis, die solidâ primâ Mensis Martii anno Dom. 1735.

IN SCHOLIS MEDICORUM

PICTAVII, Apud LUDOVICUM GILLET, Typog.

QUÆSTIO PRACTICA.

An hæmoptysi sanguis hirci preparatus.

12

LICET procures varii hæmoptoës nomine omnem Sanguinis per os excretionem intellexerint, nos tamen usui Medicorum recentiorum assentientes, restringimus hanc denominationem ad illud Sanguinis sputum quod è trachæâ arteriâ, bronchiis vel interioribus pulmonum emanat. Unde non male definitur hæmoptylis, *expectoratio* Sanguinis plerumque spumosi, qui è partibus memoratis tussi rejicitur. Idiopathica autem vel symptomatica esse potest, si enim pulmones primariò afficiantur idiopathica dicitur, symptomatica verò dum alium sequitur morbum, vel alibi suppressam Sanguinis evacuationem. Talis verò *expectoratio* fieri non potest, nisi Sanguis in tubulos aëreos effundatur, neque idem Sanguis in hos effundi potest, quin apertis quocumque modo vasis, aliqua ipsi pateat via, quamque dupliciter patere posse censemus. 1º Nempè per ruptionem vasorum pulmones constituentium rixi vel diabrosi factam. 2º Per dilatationem vasculorum humori bronchiali fecernendo inservientium. Sanguis autem hisce viis cavo tubulorum pulmonalium semel effusus, eos irrat, quâ iritatione promoven- tur potentia expirationem efficientes, quibus in actum redactis, Sanguis effusus foras ejicitur sub sputorum formâ: proindeque sub hoc respectu, causa proxima sputi *Hæmoptoici* est valida actio organorum expirationi inservientium, à Sanguine extravasa effuso inducta. Causæ verò remotæ defumantur ex vitio solidorum vel fluidorum, vel utrorumque. 1º. Ex vitio solidorum, ut si quis casu, vel naturâ, pulmonum debilitate, laxitate, vel quovis alio vitio laboret; tunc enim vasorum pulmonalium aperturam vel levi datâ causâ necessariò futuram nemo non videt. 2º. Ex vitio Sanguinis, si sit copiosior ut in plethorâ legitimâ, vel nimis rarefactus ut in spuriâ, vel etiam nimis intendatur ejusdem circuitus. Tunc enim vasa pulmonum præceteris totius corporis ob nimiam laxitatem, majoremque Sanguinis appullum distensa, ac ultra tonum delata, datam Sanguinis quantitatem, singulis cordis ictibus acceptam exprimere non possunt; debet idcirco Sanguis in pulmonibus stagnare & congeri, ac tandem debent rumpi vasa. Sanguis pariter qualitate peccans hæmoptysi ansam præbere potest, ut si nimis acer, aut particulis corro- dentibus onustus sit. Quæcumque autem recensita Sanguinis vitia valent producere, ex abusu ex rerum non naturalium desumi possunt.

II.

EX supra allatis sputi sanguinolenti causis, ipsius symptomatum explicatio, vel leviter atten- denti facile innotescet; ex omnibus tamen ea tantum quæ essentialia sunt, vel frequentius accidunt, explicare juvat. Adest itaque *expectoratio* Sanguinis: is enim intrâ vias aëreas semel effusus, per validam expirationem ab iritatione concitatam, cum aëre exiturienti sursum ele- vatur ac spuitur. Sanguis autem in locis memoratis collectus, continuo aëris ingressu & egressu conquassatur, multifariamque agitur: unde spumosis plerumque evadit. Insuper *extravasa- tus* Sanguis vesiculas pulmonales & bronchia replet, quæ ab alieno corpore repleti nequeunt, quin liber aëris ingressus & regressus præpediatur, hinc respirandi difficultas; quæ constans erit si proportionem eadem quæ per *expectationem* spuitur extravasa effusus, novus subito Sanguis per aperta vasa effusus, prioris locum occupet; secus verò per intervalla libera erit respiratio. Ille idem Sanguis ratione caloris, acrimoniæ & ponderis irrat tubulos trachææ, unde subsequitur subitanea, sonora & quasi convulsiva exspiratio quæ tussim constituit. Per symptomatica autem jam recensita facile cognoscitur hæmoptoës, & ab omnibus aliis affectibus quibuscum confundi potest per signa cuilibet propria facile distinguitur: differt enim à vomitu Sanguineo, in eo quod Sanguis qui vomitu rejicitur nigricans plerumque appareat, & sæpius materiæ in ventriculo contentis conspurcatus; aliundè citrà tussim ejicitur, nulla adest respirandi difficultas, persentitur ventriculi dolor, nifusque vomitorii excitantur, quæque omnia non observantur in hæmoptysi. In aliis pariter sputi cruenti speciebus nulla respirandi difficultas deprehenditur, & citrà tussim per solam spuitionem Sanguis ejicitur. Præterea hujusmodi affectus per solam inspectionem, cau- sarumque notitiam sæpius dignoscuntur. Porro in peripneumoniâ longè major est difficultas res- pirandi, magisque intensa doloris sensatio: febris etiam morbos acutos & inflammatorios tan- quam individuus comes semper concomitatur. Hocce affectu juvenes sæpius quam senes labo- rant juxta Hipp. APH. XXIX. LIB. III. *juvenibus autem spuitiones Sanguinis accidunt, non ratione ætatis, sed quia aut percutiuntur, aut contunduntur, aut saliant, aut clamant vehementius, aut refrigerantur & humi cubant, aut replentur.* Inquit Galenus.

III.

SANGUINEM supra ferri, qualiscumque sit, malum: juxta Hipp. APH. XXV. LIB. IV. Eum autem san- guinem supra ferri intelligit, qui per os excernitur, ut Galenus exponit. Terrifica quippè sanguinis per os spontanea eruptio, quia hæc pars huic operi non est dicata. Hæmoptylis non modo inter alias sangui- nis excretiones, verumetiam inter alias præter naturam effusus, periculosior existit; nam pessimum lon- gorumque morborum magnâ ex parte causa redditur; variat tamen sputi sanguinolenti prognosis pro va- riis causarum circumstantiis: dum enim sanguis ex ore, gingivis & faucibus profluit, periculo vacat. Dis- ficilis verò atque gravior curatione ex pulmone fluens sanguis accipitur, ob jure spirationis officium. Rur- sus hæmoptylis à vasorum diabrosi, majus portendit periculum quàm ab illorum simplici rixi oriunda; vasa enim erosa difficillimè admodum agglutinantur, & omnium remedium vim haud rarò eludit hæc hæmoptyleos species, & ferè semper in pulmonarem phthisim aut alios affectus morte terminandos conver- titur. Hæmoptoës autem curativæ indicationes in eo potissimum versantur, ut nempè vasa rupta, aut quo- modocumque aperta coalescant, simulque auferantur causæ ipsorum aperturam foventes. Hæc prima in- dicatio adstringentium & agglutinantium ope facile adimpletur: verum ad auferendas causas aperturam foventes, varia usurpanda sunt remedia, varia scilicet pro varietate causarum; si enim à plethorâ, tum verâ, tum falsâ producatur, diversa sanè instituenda est therapæia; phlebotomia enim tunc temporis ce- lebranda, refrigerantia & dieta tenuis, demum ea omnia quæ sanguinis molem imminuere, æstum ac mo- tum ejusdem compescere valent præscribenda. Cum verò humorum acrimonia huic affectui producendo nonnunquam conferat symbolum, corrigenda illa vitiata qualitas; quo in casu dieta media, refri- gerans & demulcens præscribenda; eaque omnia quæ sanguinis motum & æstum adaugere valent cautè fu- gienda sunt, & tanquam inutilia, vel potius noxia, in hæmoptyleos curatione rejicienda. Cum autem sanguis hirci præparatus, (id est excisso seroto per arterias spermaticas exceptus, in vase collectus, dein verò coagulatus;) inter sudorifica jure annumeretur, & constet partibus tenuibus, volatilibus & penetran- tibus, parumque inter se unitis, quæ sanguinis oceanum facile pervadere, ipsum dividere, ipsiusque mo- tum & æstum adaugere valent, huic affectui curando nullo modo conferre censemus; sudorifica enim agunt dividendo atterendoque sanguinem, ipsiusque motum & æstum adaugendo; quæ remedia si hæmoptoës laboranti præscriberentur, majorem ultra vasorum ruptionem producerent, alique subsequi possent affec- tus hæmoptoës graviores, unde pronum est concludere,

Ergo hæmoptysi sanguis hirci preparatus non convenit.